



La scoula media a Ftan spetta sün megliders temps.

FOTOS B. STECHER



Johannes Flury e Marco Erni sun gnüts elets nouv aint il cussagl administrativ.

Johannes Flury nouv president da l'IOF

Radunanza ordinaria da l'Institut Otaipin a Ftan

DA BENEDICT STECHER / ANR

■ La radunanza da l'Institut Otaipin da Ftan (IOF) ha elet a Johannes Flury d'Aschera sco nouv president da l'IOF ed a Marco Erni da Sent aint il cussagl administrativ. Il quint annual chi sera cun ün vanz da 1420 francs es gnü aprovà e la radunanza ha dat dis-charg al cussagl administrativ. Il rapport annual per l'on da gestiun 2013/2014 dal president scadent, *Rolf Dubs*, declera la situaziun na cuntaantaiva da l'IOF. «Grondas turbulenzas impüstü aint la seguonda part da l'on per las qualas l'IOF es per part svess la culpa, chi sun pero eir gnü das chaschunadas tras influenzas exterias, han gnü noschas conseguenzas.» El

manzuna artichels da la pressa dad anteriuers persuns d'instrucziun chi nu lavraivan plü a l'IOF, e chi ha miss la scoula in üna noscha glüm. Sper las criticas objectivas e güstifichadas esa però eir gnü exagerà sainza masüra e miss l'IOF in üna posiziun pac favuraivla. Fich problematic d'eira impüstü l'imbüttamaint a regard la manipulaziun da notas. Tras ün'examinaziun immediata s'haja pudü cumprovar cha tals rimprouvers nu correspunderan a la vardà. La reaciun da anteriuers persuns d'instrucziun muossan sentimaints da vendetta invers la direcziun, inschinà nu vess quella grupper portà in avant sistematicamaing la polemica. «Quists problems sun per l'IOF main inculpants co il svilup dal nomer da scolars.

Sainza ün'occupaziun d'almain 70 fin 75 scolars interna nun es la basa finanziara garantida.» L'on da scoula ha cumanzà cun 132 scolars interns ed externs e quel nomer s'ha augmentà sün 140 scolars. Tras artichels negativos da gazettas, müda-maints da personal ed otras sfidas s'ha diminui il nomer da scolars fin a la fin da l'on da scoula sün 128 scolars.

Tscherchada es üna via perdüraiva

Per amegldrar la situaziun ha il cussagl administrativ invidà a magistraglia sco eir ad otras persuns interessadas ed ingaschadas ad üna dieta. Là s'haja cumanzà culla lavour vi dal profil. La dieta ha chaschunà ün bun rebomb. Uschè es gnüda fuormada üna grupper da proget

pel svilup d'ün aigen profil. Las lavurs sun bain avanzadas uschè chi po gnir decis i'l on da scoula 2014/2015 davart ils müda-maints. Avant la radunanza ha gnü lò üna conferenza da pressa cun *Roman Capaul*, vicepresident, cun *Gaudenz Prader*, finanzas e cun *Johannes Flury*, il nou president dal cussagl administrativ. Quel ha surtut daspö l'october diversas funcziuns a la scoula a Ftan. «La regiun sto decider schi voulan üna scoula media o na. Per no es stat la demischiun da *Bruno Büchi* üna gronda surprisa, no vain pero chattà cun *Swen Kohler* ün manader chi ha bunas premissas per occupar quel post. Che cha no stain far in futur meglider es la reclama impüstü cun nossa clas-sa da sport», es Flury persvas. Id es eir

previs da manar inavant l'instrucziun dal rumantsch. Cun quistas ed otras masüras as spera d'esser sün buna via. Intensivada sto gnir la lavour per recrutar nouvs scolars. Pella scoula d'informatica sco eir pel gimnasi e surtuot per la finanziaziun da las scoulas medias privatas sarà la nouva ledscha davart las scoulas medias decisiva. Sco cha Prader ha intunà sto la scoula provar da recrutar daplüs scolars interns per avair in futur finanzas sanas.

Il quint annual sera cun ün vanz da 1412 francs e la radunanza ha dat dis-charg al cussagl administrativ. Demischiunà han *Rolf Dubs*, fin quâ president dal cussagl administrativ ed il cusglier *Thomas Wagner*. Per Dubs es gnü elet Johannes Flury e per Wagner *Marco Erni*.


Ingleger il möd d'imprender

Referat da Florian Oswald a Tarasp/Avrona

DA BENEDICT STECHER / ANR

■ A chaschun da 60 ons Scoula Rudolf Steiner ad Avrona ha gnü lò ün referat da Florian Oswald cul titel incleger il möd d'imprender. Dürant l'on sun previs ulteriurs referats ed inscunters. David Brodbeck, ün dals manaders da la Scoula Rudolf Steiner ad Avrona/Tarasp, ha salü-dä venderdi passà aint la sala polivalenta ad Avrona ils visitadurs dal prüm referat dal 2015. Il referent, *Florian Oswald*, de-riava da Basilea, es da professiun indschegner ed ha fat üna scolazion sco pedagog da guarischun (Heilpädagoge). «Eu sun stat avant blers ons ün temp quâ ad Avrona e n'ha imprais a cugnuoscher quist lò prü-vâ. Eu m'algord bain a quista sala ingio cha no vain giovâ teater, cun quel bel purtret da paraid d'ün cuntschaint da mai, da Constant Konz. Eu m'algord eir dals asens d'Avrona e co cha no ans staivan adattar al tempo dals asens.» Sco ch'el ha tradi nu d'eira dal tuot cler scha no manaivan ils asens o scha quels manaivan a no. In tuot-tacas savaivan ils asens precis ingio chi dà da magliar e's pigliaivan tuot il temp dal muond. «Adonte da bunas premissas da scolazion nun esa reuschi a scoulas popu-laras da scolar ed accumpagnar uffants chi han disturbis d'imprender. In temps ingio chi d'eira fich greiv da chattar magisters s'haja cumanzà da scolar in cuort temp gieud dad oters mansters e per part s'haja gnü fich bun success cun quella metoda.»

inviladar e darcheu s'algordar a quai chi's ha imprais. Scolar in möd cha'l uffants invilidan e plü tard as regordan da quai chi han imprais. «Ils blers magisters fan il sbagl chi provan da far imprender bler massa bler in üna jada. E lura amo gim-nastica e zambriar, ils uffants sun surdu-mondats. Perquai esa fich important cha il center da la scolazion nu stâ la matemati-ca, il scriver e leger, dimpersè l'uman

Florian Oswald da-vant il purtret da paraid da Constant Konz.
FOTO B. STECHER

chi sto gnir instrui tenor sias pussibil-tats.» Lavarar vi d'ün tema e s'adattar al tempo da l'uffant. I voul üna buna compozizioni da las unitats d'imprender. Ils uffants imprendan-invilidan-imprendan durante la not e s'algordan il di davo. «Na tuot ils uffants funcziunat istess. Ün bun magister sà co cha seis scolars imprendan. Schi dodan il pled matematica schi's blers gnanca nu cumainzan ad inclejer. Schi dodan il pled 'fos' schi daja pro blers ün'interrupziun da l'incletta.» Ün magi-ster stuves eir savair: ingio va e che fa il scolar davo l'instrucziun? «Schi's bâda durante l'instrucziun cha l'interess es fich pitschen as poja ir our i'l liber e far üna guerra cun borras da naiv e davo la guerra e il cheu darcheu liber per imprender. Schi's giova a teater schi nu's esa be activ quel mumaint chi's ha da dir alch, dimpersè adüna.» Üna fich buna metoda per promouver la cumünanza es giovar a bal-lapè. Minchün cuorra per tschel ed eir sch'el nun ha la balla schi cuorra el per atrar l'adversari.

Ris-char e verer ouravant

Ün magister sto ris-char e verer ouravant, as sto preparar sün sias lecziuns. I nu va be cun repeter quai chi s'ha veri-fichà. «I dà mumaints ch'ün magister nu sa co inavant. Là sto minchün badar co chi pudess ir inavant e ris-char alch. Ün'otra metoda d'imprender es eir verer inavant, dar ün sgurd inavo.» Il center da mincha scolazion nun es la matemati-ca-far quinf-scriver e leger dimpersè l'uman. «No stain imprender da dvan-tar umans.»

Ganeo-Christoffel è nova schefmedia ginecologia

■ (rtr) Ladina Ganeo-Christoffel è la no-va schefmedia da ginecologia a l'ospital da Samedan. Ella surpiglia sia incumbe-nia a l'Ospital regional da l'Engiadina Ota sin il prim d'avrigl da quest onn. Tenor l'Ospital regional d'Engiadina Ota a Sa-medan ha Ladina Ganeo-Christoffel la-vurà enfin ussa sco media da cader en la clinica da dunnas a Wetzikon.

reclama



Genuss und Tradition – seit 1895

Geniessen Sie unseren traditionellen Saft vom Fass. Seine Reifung erhält er in Eichenholzfässern vier Meter unter der Erde. Dadurch entsteht sein milder und harmonischer Geschmack und seine schöne Trübung. Aus Tradition das Beste. Garantiert aus der Ostschweiz.

MÖHL Apfelsäfte Tradition seit 1895
Mösterli Möhl AG, 9320 Arbon